

INUIT ATAQATIGIIT

Inatsisartuni



UKA2019/Imm. 60
15. oktober 2019
Mikivisuk Thomassen

Cigarittikut taamatullu cigarittit kimmivikui utertittartussanngorlugit qularnaveeqquserneqartalernissaasa iluaqtissartai ajoqtissartaalu misissuivigeqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuinerup inenera Inatsisartunut saqqummiuteqquneqarpoq kingusinnerpaamik UKA 2020-mi ataatsimiinneq aallartippat.

(Inatsisartunut Ilaasortaq Justus Hansen, Demokraatit)

Siullertut qujarusuppunga saqqummissisumut Inuit Ataqatigiinniit imaattumik oqaaseqassaasut.

Saqqummiunneqartoq malillugu soorunami nunarput tamaat qiviassagaanni sumi tamaani nunami Cigarittit kimmivikuinik takussaasoqarpoq soorunami ilaat atorluaasusarput eqqaavimmut igitsinissaminnut, kisiannili saqqummiussatit malillugit arlaatigut aaqqisoqarsinnaanera taperserparput, pingaaruteqarmat qanoq iliuuseqarsinnaanerput ujartorneqarnissaa avaqunneqarsinnaagunangilaq.

Isumaqarpunga kimmivikut pillugit susassaqtut aamma oqaloqataalluarumaartut qanoq pingaanerpaamik aaqqiissuteqarnissa anguniarlugu, tassami pingaaruteqarluinnarpoq pujortartanngitsunut meeqqanullu sunniuteqannginnissaa pingaaruteqarsorilluinnarpara, isumaqaramami meeqqanut allamullu tulluanngitsumik aaqqiissuteqassagutta tamanna peqqinnanngitsoq.

Taamaammat kimmivikunik nunaannarmut eqqaasarunnaarnissaq anguniarlugu qanoq ililluta pitsaanerpaamik angusaqarsinnaanerluta pujortartartuusugut immitsinnut oqaloqatigiinnerusinnaavugut suut pitsaanerpaajunersut qanoq iliorutta nunaannarmut igitsisarneq unitsinneqarsinnaasoq, qanorlu ilanngullugu kimmivikunik maangaannaq eqqaanginnissaq anguniarlugu takorloorneqarsinnaasut ilagaat kimmivikoqarfinnik pisiassaqalersinnaanera pisiniarfinni nioqquteqarsiusuni cigarittinik.

Inuit Ataqatigiinniit oqaatigerusupparput nunatta mingutsinneqannginnissaanut aamma soqutigisagarluinnaratta taamaammat nunamut mingutsitisunut tunngatillugu oqaloqataanissatsinnut soqutiginnikkatta taamaammat pingaarsorivarput susassaqarsinnaasut ilanngullugit tusarniarneqarumaarput maangaannaq eqqaasarunnaarnissaq pillugu.

Kiisalu eqqaarusupparput Pujortartarnerup peqqinnannginneranik, Nunatsinni toqusartut amerlanerpaartaat pujortarnermit aallaveqarneri, meeqqat ukiukittut pujortalertarneri, illut

isaariaanni pujortaannerit (meeqqat isigisaanni). Tupap akuuterpassui qanoq kigutitut aserorteritigisut.

Meeqqavut nangartarsinnaangilavut nammineq pujoortilluta.

Pujortartartut ikiliartunngitsut - inuusuttut pujortartartut amerliartoqqilersut tamannalu akuersaarneqarsinnaangilaq, maannamut tamaanga killissimagutta isumaqarpugut pujortartarneq pillugu unammilligassaqtugut suliffeqarfiit ulluinnarnilu ornigarneqartartut aamma tassuunakkut pinaveersaartsiteqataaneratigut qanoq iliuseqarsinnaaneramik peqataatittariaqarigut, tassami takuneqarsinnaavoq pujortartarneq qanoq annertutiginera nunatsinni taannalu akiorniagassaraarput sukkulluunniit. Kiisalu pujortartarnerup peqqinnangissusaanik saqqummiussuarnissaq pingaaruteqarsorivara.

Inuit Ataqatigiinniit ilaatigut eqqaarusupparput pujortartartuunerup peqqinnangissusaannik qanoq iliornikkut pitsaanerusemik pinaveersaartsinneqarsinnaanera annertusisamik aallunneqarsinnaanera peqataaffigerusukkatsigu, tamannalu pillugu pitsaasumik angusaqarfigissagutsigu suliniutit annertusarneqartariaqartut isumaqarpugut.

Kimmivikunik ajornartorsiuteqarneq isertuunneqarsinnaangilaq taannalu naalakkersuisut aamma ilanngullugu eqqaavaat taamaammat naalakkersuisut UKA 2020 saqqummiussaqaarniarnerat nuannaarutigaarput taperserlugulu soorunami aamma siunnersuuteqartoq taperserparput.

Taamatut oqaaseqarluta ataatsimiititaliamut susassaqtumut ilanngullugit oqaloqatigilluarneqarnissaat innersuupparput.